

nem livoris amaritudinem de interioribus nostris eliminat, gemine, quam diximus, caritati mansionem inibi preparat.

Clypeus spiritualis militie splendor et decor totius armature, portantem protegens atque defendens, divinam protectionem designat. clypeus longus est, strictus est, amplus est: 5 longus dimensione, strictus deorsum, amplus sursum. in hunc modum et divina protectio: longa est, quia finem non habet. ,ecce', inquit, ,vobiscum sum usque ad consummationem seculi.' stricta est, scilicet in carnalibus: ,quorum Deus venter est et gloria in confusione eorum, qui terrena sapiunt', et de quibus 10 dicitur: ,ve vobis divitibus, qui habetis consolationem vestram', nec requiritis protectionem divinam. ampla est in celestia sapientibus, quorum ,conversatio in celis est. unde Salvatorem suum expectant Dominum nostrum Jhesum Christum, qui reformabit corpus humilitatis eorum configuratum corpori claritatis sue.' hoc clypeo protectus miles Christi non metuit tela, non sagittas, non venabula, non lanceas, non gladios diaboli. custodit namque se omni tempore, omni loco, a cogitatione prava, a locutione perversa, ab operatione iniqua, illud beati Job dictum semper in corde suo revolvens: ,quamdiu anhelitus 20 fuerit in naribus meis, non recedam ab in(235^b)nocentia mea, et justificationem meam, quam cepi, tenere non deseram.' clypeus iste tamdiu necessarius nobis erit, quamdiu vita nostra militia erit super terram. hunc autem Spiritus scientie nobis imponit, quia, dum ab ipso veram infirmitatis 25 nostre cognitionem accipimus, illius, sine quo nichil possumus, protectioni humiliter nos subdere perdocemur.

Ocree spiritualis militie, que tibiae corporis justitie cruraque tegunt, injuriarum oblivionem mystice significant. sicut enim tibiae totam sustentant corporis molem, ita injuriarum 30 oblivio totum ceterarum virtutum sustinet pondus; proprium autem nomen illius est firmitas patientie. hinc est illud, quod quidam dixit: ,memoria beneficiorum fragilis est, injuriarum tenax.' unde legimus quendam patrum interroganti cuidam fratri, quid faciens salvari speraret, respondisse: ,si potueris contumeliam pati et sustinere, magnum est hoc et super omnes 35

8 Matth. 28, 20. 9 Phil. 3, 19. 11 Luk. 6, 24. 13 Phil. 3, 20,
aber frei. 20 Job 27, 3: spiritus Dei —.